

Yahuda

Nda'ya

¹ Kyagha deleewar da ba ya a har Yahuda mafad Yeeso Kæræsti wanman Yakubu. Niya chireethlenggæn nafiya dæ aah na Faara kanda na Chindi, tsauka hu nggæm ndæghæn, na Yeeso Kæræsti a laf kanda.

² Ngwa a hadowa Faara fa, tæ dædemnggirha tæ nggæmnda a tsauka tæ kun.

Famalæmngya fa nggabaya

³ Shayina, kukwashe da fa na a chireethleng nggi kun dæ aten hærækrha wal næm. Amma tsawee da fa tæta na a chireethleng nggi kun dæ a færang kaali ni kun a ishun ngga hu færkækafek færang na Faara fa takkwayighæn na chahal katæra tal kee.

⁴ Kæsær na fingingya sæ ngærgaha hur nun ba, kanda kætæm 'wanda teena thlæk ndan na nda ngwang kumarha kanda sæ. Mba nda a takkwa Faara wa. Tærgaha nda nggayid Faara kæla kwaman kulafayirha ni. Ngaal nda Yeeso Kæræsti tsauka kutær næm tæ Chinæm.

⁵ Ko nanæn sændun ængginiya heu, niya dælang nggæn kun in, kwamandî hærghang na Chinæm nafiya Isæreela a chehweed Masar, amma a kwasamadghæn bælanggæn fingingyayina dæ kæswa wa færkækafekkid ndan ha.

⁶ Niya dælang nggæn kun in kæm aten fæthlængya Faara ænawa tar ndan tæ ngyakhrha færang na Faara kanda, amma malang ngganda mbæd ndan

kamngga. Na Faara a kəs kanda ha hu porsəna, kənanngən kanda tə wuyiwurra ahu wula kəla farda nda fa na bayi bana nda ngwang kumarha kanda sə.

⁷ Dalama teena hai tə talya Saduma tə Ng-gomora heu tə tula yindan, na nanda a əna kulafayirha. Tal yini ya njang nda kanda də tə waarha tsau nda ən sakhrha aten ngwa kumad Faara hu waarha yi pakwandə.

⁸ Naghən kee kəm tə nafiniya numan ndan yi dīmiyirha ni səbang nda fad ndan də, kar nda ngyakhrha Faara fa, na nda ndiyang fathləngya Faara fa səghən.

⁹ Amma ko Mikailu ni, mamnda fathləngya Faara ənawa tur əndi ya wa. A sayiddi nən a yanda tə sheetan, kanda a ngaala aten mərta Musa, ndəghən nggi na Mikailu mbangwa əna kanglang-girha na nggəranggən sə tə ndikrha səghən wa. Ndəghən kee, “Bal Chinəm nggo kumarha sə.”

¹⁰ Amma nafiniya ndik nda səghən aten əngya heu sənang ngwana nda hai. Kəm ənggini sən nanda ahu thlu farha, na nda kəla mabiya na təmbəng. Tur ənggina ni ya na kəsang bəla kanda fa.

¹¹ Kawa a kanda! Takkwad nda tar mbəlfed Kayinu, bəlangga wanman. Kəla Mbalaam kəm, huk nanda tə wudəbəla sahad nda kəla Mbalaam. Kəla ənana Kora, mər nda də kəsər ka kakyath-laanga ənana nda.

¹² Tsawud nafiniya ahur nun ən tərəmnda ni, kəsər na nda həb ənnarhami kula tərəmnda tə shilee. Na nda kəla falafya na həbang alten ndan kee. Na nda kəla kad 'yaara na bəreurha puwang

də, kula 'yaara. Na nda kəla dəfya na kula waya a wufara, nduwa kəla dəfya kədang na nda kanda sə mərə nda də heu.

¹³ Na nda kəla kudəfəlla aama, nanda a taala tə ən shiliya na hufɾha hai hu mii ndan kee. Na nda kəla wufəlngaarya na yakh wiirha hai kəlaara, dəfang Faara wula kanda də yi pakwandə.

¹⁴ Enok chichiya məd ni tsauka hu kəshiirha a kwasamad Adamu, thlək də labaara aten tur nafiniya tə ndaarha, “Kələma də Chinəm bayi tə fathlənggighən na chahal hangga,

¹⁵ kəsər nən ngwang kumarha kowunni sə. Nən kyadang tar mbəlfedghən kowunni hu 'ya ənana nda mbuwa ngga, tə labarya na səghən thləkna fadimiya atənggən.”

¹⁶ Tur nafiniya fa huhurumngya ni, na nda əna tar dimiyirha tərna hur ndan. Na nda taala tə fad ndan. Na nda nggaba fiya tə mbənda mee ka a wal 'ya nda na mid ndan.

Tsawama hu nggəmnda Faara

¹⁷ Amma kun shayina, dəlama teena hai tə 'ya thləkna fathləngya Chinəm Yeeso Kərəsti 'wa nanda thləkrha.

¹⁸ Nđang ngganda kun, “A mii ngwala kəshiirha na fa wa faya a naarha sə, na nda takkwa 'ya na mid ndan mbə yi Faara wa.

¹⁹ Nafina ni ya bəngga tsakhrha bə a pathlang nun, fa takkwa sunad farha. Mbə Səsən Faara sə ahur ndan wa.”

²⁰ Amma kun shayina, tənaman fad nun aten fərkəkafekkid nun, tə kəm hwana man Faara tə səsəmnda Səsəna Tə Pəfənda.

21 Tsawama tē nngəmnda Faara ahur nun, non a kēla fardā fa na Chinəm Yeeso Kərəsti a hadang kun fa fərang yibrha nən kun mbuwa ngwalaarha.

22 A hadangga fingya kun fa balgha a ngaala.

23 Hərgħa man fingya kēla nuwun a kədang kanda sē ahu waarha. Fingya kəm a hadang ngganda kun fa ka nananda a tərəmnda ka dimiyid ndan, amma tsanama karid ndan səbgha dē ka dimiyid ndan.

Hwan Faara tē faala

24 Falama Faara ndəghən na a laf kun amawa nun fəla hai, tē wutsəfayirha nən a kyang kun ahu mamnggidghən dē kula 'ya dimi.

25 Faala ma Faara ndəghən katenggən na təhəkrənəm, hu Yeeso Kərəsti Chinəm. Ngwa tsauka mamnggirha, tē kutəryirha tē səsəmnda ngyakhrha tsauka yighən ka a katəradghən tē nanənya tē pakwandē. Atsaukake.

Hona Bible

The New Testament in the Hwana language of Nigeria: Hona Bible

copyright © 2023 The Seed Company in collaboration with Language
Developers and Bible Translators Association

Language: Hona (Hwana)

Contributor: Language Developers and Bible Translators

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-07-18

PDF generated using Haiola and XeLaTeX on 26 Jul 2025 from source files
dated 18 Jul 2025

d942b897-c376-5386-bfaf-e0ce21c59136